


國史

一

22  
 庫文閣内  
 函 冊 架  
 五 一 六  
 三 八 三  
 和 書 類

内閣文庫	
番號	和 15289
冊數	13 ( 1 )
函號	150 22





明治十三年購求

雜史

引馬文庫

萬年

序

余閱

國朝舊事家

之說人

之傳

一事百端參差難齊

孝德傷舊史之不全漁獵百氏筆削一家所進若干

卷望知其有所歸將以政事之暇解乙夜之疑凡首

創之難也其勤至矣盡矣可謂當世之宏才也啓曰

臣居優遊之職縱秘府之觀臣此書之成莫非公之

貺然曰廣聰明曰補万一譬如花葉被榮春風群動

謝生太陽如此之書非余所知也借令孝德優遊徒

費歲月秘府空積斷簡春風倏消太陽俄傾觀夫用

心之誠足照肺肝博覽之資足廣耳目拾神之寶足  
談古今庶貽厥子孫世疇茲史時深藏于石室行當  
顯于後昆明和八年辛卯仲秋望日佐倉侯書

我讀正順  
古書之印

除之暇必與時至其書其下皆當如  
卷望味其言內初採心為事之知翰山身之則山首  
本對新高之全就辭百內集備一其內並重下  
國勝高車者之始入之制一集百歲於其後齊

余閱

國史

紀七卷

神祖 上下中下 册卷六

德祖 二 册卷六

太宗 三 册卷六

嚴宗 四 册卷六

憲宗 五 册卷六

文宗 六 册卷六

德宗 七 册卷六

表十卷

西都職官表一

江都職官表二

宗室侯者表三

諸松封者表四

先封表五

先封失侯者表六

功臣侯者表七

天正十年以來服從者表八

德祖時封者表九

圖文 大宗以來封者表十

志八卷

禮志一

樂志一

律曆志三

載籍志四

財貨志五

地理志六

序官志七

兵備志八

傳五十五卷

後宮一

宗室二上下

三藩三

結城保科越智四

賜姓侯五

外戚六

喜連川織田等高家木下杉原七

前田上杉毛利八

堀尾生駒中村淺野前田九

嶋津佐竹鋤嶋十

最上伊達十一

京極細川十二

伊藤有馬宗松浦大村五嶋十三

秋田南部相馬戶澤津輕六鄉岩城松前十四

秋月高橋相良立花十五

兩北條板部岡遠山遠藤稻葉筒井朽木西尾

新山岡十六

小笠原真田木曾保科諏訪依田十七

里見成田水谷佐野皆川那須大關大田原伊

王野十八

小早川蒲生堀十九

西加藤福嶋田中二十

池田黒田藤堂二十一

蜂須賀山内右馬森丹羽金森二十二

富田山崎侍澤松倉兩竹中根野古田德永

三十三

溝口村上中川仙石一柳加藤亀井二十四

久留嶋脇阪九鬼向井小濱二十五

分部平野市橋建部長谷川毛利新莊瀧川関

池田桑山小堀谷本多二十六

西織田小幡小出土方青木伊東片桐二十七

林酒井大久保石川阿倍二十八

戸田奥平菅沼設樂牧野西郷三宅本多久野

安部松下三浦加三凡岡部二十九

天野高力本多三十

大須賀酒井大久保本多平岩三十一

井伊本多柳原三十二

本多大久保三十三

鳥居内藤三十四

植村柳原本多阿倍成瀬渡邊土岐米津村越

伊奈石谷西尾屋代柳生小野三十五

松井高木牧野稻垣久世山本三十六

丹羽山口佐久間兩花房戸川藤田平岡三十

七

土井三浦青山酒井三十八

板倉阿部三十九

永井水野井上安藤森川四十一

稻葉堀田朽木内田永井四十二

阿部松平四十二

板倉久世土屋秋元松平黒田四十三

堀田牧野柳澤米倉四十四

喜多見戸田間部有馬加納四十五

伊奈伊丹嶋田牛込北條大岡石黒阪木中山

大森萩原辻四十六

陪臣四十七

儒林四十八

忠義四十九

孝貞五十

貸殖五十一

浮屠五十二



反者五十三  
外國五十四  
上中下  
自叙五十五  
紀表志傳無慮八十卷

神祖紀第一上  
卷一  
清和天皇六男曰貞純以親王歷官上総常陸等守  
兵部中書等卿娶左大臣源能有女生經基平將門  
反經基以武藏介從參議征夷大將軍藤原忠文討  
之聞將門已誅而還伊豫守藤原純友反為追討使  
次官以功遷鎮守府將軍賜姓曰源子滿仲歷仕村  
上冷泉圓融花山一條五帝專以誅反捕賊為已任  
為正四位下鎮守府將軍卒贈從三位給洒掃戶長  
子賴光棋津守鎮守府將軍次子賴親大和守三子  
賴信  
斬反者前上総介平忠常進從四位上鎮

新林四書合山酒并三十八  
新島四書之十九  
木森草  
新余對世亂取書  
喜之良  
回問時古  
水論四十五  
卷一

守府將軍賜內昇殿賴信子賴義善兵有父祖風為  
陸奧守兼鎮守府將軍討安倍賴時父子殺之遷正  
四位下伊豫守賜內昇殿有子三人義家善射受兵  
法干大宰帥江匡房從父討賴時為敵所憚賊平為  
從四位下出羽守累官鎮守府將軍伐清原武衡于  
金澤克之義綱左衛門尉義光左衛門督義家生三  
子長子義親平正親奉詔誅之義親子義為檢非違  
使与平仲正等同仗誅仲子義忠河内判官季子義  
國善射御之儀為式部大輔兼加賀守得罪居新田  
義國子義重為從五位下大炊介為義子義朝為長

田長致所殺平清盛當國誅源氏之族殆盡義重長  
及剃髮自晦名曰上西從是平氏日尊盛用事天子  
拱已而已王室始卑迨義朝子賴朝舉兵義重亦聚  
兵得數千人意輕賴朝不冒以兵屬之賴朝盡誅平  
氏往謁之猶以前故不善遇之弟義康食米足利子  
孫漸盛至尊氏為大將軍義重有七子曰義範食米  
山名曰義俊其子孫為里見氏田中氏曰義兼襲食  
新田曰義季食米德川曰經義為額田氏曰義光曰  
義佐賴朝二子賴家實朝相繼脩霸業實朝為賴家  
子公曉所殺無復北條義時迎親王為大將軍居鎌

倉軍權盡歸北條氏義季常出入給事幕府子賴氏  
參河守有三子長子有氏遠江守季氏滿氏從新田  
義貞有軍功仲子教氏生家時一一生滿義自賴氏  
以下居世良田為世良田氏北條高時無道滿義子  
政義諫不可後醍醐天皇詔義貞伐盡滅北條氏滿  
義父子擊安東高貞于稻村崎敗之既尊氏与義貞  
有隙尊氏為東國總管怒滿義黨義貞奪之田帝以  
尊氏不臣詔義貞討之不克出居于吉野尊氏立光  
嚴帝以少子基氏為東國總管治于鎌倉盡滅新田  
氏之族滿義匿居世良田德川之間政義前為伊豫

守右京亮子親季修理亮折節事滿氏復食始邑滿  
氏基氏子也滿氏卒子滿兼立滿兼卒子持氏不法  
大將軍義教遣將討之親季与子有親孫親氏戰于  
早川上會東國兵叛襲鎌倉义子相与力戰潰圍以  
持氏子義久逃義久竟為追騎所禽义子奔藤澤為  
遊行之僧度不能共全親季自山道有親二氏自海  
道西遁親季其終不知所之有親前為左京亮居參  
二年卒嘉吉二年也親氏往信州居林光政家与光  
政住參病留于酒井氏亭上酒井氏知貴人以女妻  
之時盜賊方起親氏以膽刀聞一鄉賴之酒井氏女

死聞松平村富人在原信重居宅宏壯往觀信重固  
請留之奉以己女信重死無男親氏代有松平村初  
親氏徧觀海上諸國政之得失民之情偽無不知悉  
及始有土地以恩愛懷民傾庫藏出貸償則受之曾  
無徵責斬木夷險以通商旅雖它境之人仰如其君  
居數年赤松滿祐弑大將軍源義教足利氏益衰親  
氏集衆謂曰諸君聞新田氏之族有世良田某耶予  
其孫也以足利氏之仇我遷徙圖全未嘗一日有安  
賴因祖先之靈与公等之惠至于今日豈非命乎今  
也四海鼎沸足利氏失政公等尚協心一力辟土集

民經年之久累世之勤我与公等子孫大亨其慶公  
等可則為之不可則止皆泣曰若言人<sub>二</sub>不愛死唯  
君所命親氏乃部署要約<sub>二</sub>定有五士犯賊親氏厚  
賜愧之取中山莊五士疾關二人死三人傷親氏量  
莊中今年所產充賞以五士之家為首衆益悅親氏  
應仁元年卒松平氏之子泰親代之

泰親善騎射得衆之心村邑多歸之大納言洞院實  
熙謫于三河泰親事之厚及還從之京奏与泰親官  
以政出足利氏不行勅補三河目代後為從五位下  
叁河守使子信光居岩津已老焉文明四年卒

信光左京亮勇而好謀取大給小給安城文明十一年  
年換美大夫十餘人往舞于安城下守兵空城出見  
信光自間道襲而取之額田賊起大將軍源義政令  
兵馬使細川成之討之不克令信光等討之信光時  
進兵平之威振國中長亨二年卒子

親忠修理右京等亮襲安城冒矢石率勵衆信光以  
為有能使居焉為嗣子付以國政謂曰執事之臣恃  
功誇寵專斷無忌則親戚離國人叛嫌隙於是乎成  
讒言於是乎起一人倡之衆人和之無所底止釀成  
其禍以隕國家必其速斬無疑讒言無止嫌措互起

則雖忠信之人保無怨叛耶世臣巨室國家之固苟  
無信臣雖日廣百里誰予之守憂予之俱樂予之俱  
無使失所親忠深沉有大度知過能改以恩信使民  
得其士力常謂將吏曰為臣之患在營于私苟營于  
私則請謁行請謁行則附下罔上附下罔上則覆亡  
不暇卿等為股肱心膂以信義莅民公正待物雖欲  
無與得乎又曰子苦多費皆曰匹夫匹婦猶不免有  
費矧國乎且損君利民莫憂曰然非是之謂也人有  
善則贊之不善則諫之却姦臣舉正人上承主德下  
適民心雖万石足愛耶國有聚斂之臣則民急于農

朝有諛諛之臣則士伏于野坐糜廩俸隨蠹國事是予所謂費也明應二年上野阿部孫次寺部鈴木重辰舉母中條出羽伊保三宅清寬八草那須宗左合兵伐我約取岩津分其地我兵三千迎擊戰于伊田大敗之六年附軍事于子長親使居安城九年卒遺余薄葬<sub>二</sub>畢遣子弟歸邑十五日除服

長親立為藏人改出雲守溫柔有惠政駿君氏親曰親忠善用兵其嗣亦甚不取後必噬臍永正三年使軍師平長氏將万餘人伐我長氏圍長親兄親長于岩津分榆木牛窪兵斷岡崎之道於是參兵不得合

長親獨与帳下五百人出下馬謂曰見衆不進非勇棄兄不救非義無此二者不若死也且戰在和不在衆共死赴敵捷必矣唯功多賞薄不忍置公等于死然失岩津於衆亦不利將涉矢矧投觴於瓶曰擊衆無若昏事急不可人<sub>二</sub>相酬將士以次起酌無失時東兵以參不能出不設備長親涉河擊大敗之田原户田憲光等降駿兵解圍而去長親後築神户老焉天文十三年卒子信忠藏人幼穎悟長代父位驕恣日夜事淫樂厚飲供其欲國人或謀廢之立弟信定信忠聞之大聚群

臣引謀立信定者斬之立子清康曰此兒克成大事  
公等善事之無以我故負我先君言畢而出皆曰雖  
老強留曰諸君在復何求焉且我在棄我亡者無返  
使見夫人曰見婦女子恐改慮大永三年剃髮改名  
祐泉宮大濱居焉享祿四年四十二卒  
清康幼嫻武藝短小眼光射人見老者問家國興廢  
見將領問進退攻守之形不至問故聞其死則泣十  
三受讓恒置酒飲士有使還者方食入見清康罵美  
酌酒其人有難色清康曰心一而已口豈有異哉勿  
以細行傷我意其人出曰今者我飲我血其得人之

心如此故下至皂隸樂執役不顧妻子以安城為遊  
息之所大永六年欲遷于岡崎族人親貞居岡崎不  
可曰我兄往代西鄉氏有焉以無子傳之于臣是西  
鄉氏之舊也臣不敢失清康怒曰微京兆公西鄉氏  
安傳之于彼必伐之太久保忠茂襲山中取之親貞  
恐納女于城求和清康居岡崎併其衆有之教士五  
十享祿二年代吉田斬牧野三成天文元年三成弟  
信成復襲取吉田清康赴之信成未食渡河沉舟陷  
陳而進軍吏欲還清康曰勇而無謀驕而輕敵敗必  
矣与信定犄角而進不利清康欲馳阪部友助杉浦

鹿助久世甚五郎叩馬止之清康欲斬之信定自側叱使去三子竟不可頃之曰可縱兵擊大敗之斬信成及其弟成高成國復取吉田原山家作手段嶺長岡野田設樂牛窪西鄉榆木伊奈西郡皆以兵屬之州東平反攻尾取科野取岩崎野呂宇理初帳下卒有罪清康緩使逃去攻宇理所逃去卒開門納兵城主熊谷直則脫身逃去秋攻尾嶋拔之二年春敗廣瀨三宅貞安寺部鈴木重恒于岩津北斬首虜三百冬深志小笠原長時冒雪來侵清康急攻敗之斬首三百甲君武田信虎使人來盟美濃諸將請結好

於是勝兵一萬繕器械積芻糧慨然有掃清京洛之心松平忠定以守山降于我四年因之伐清洲織田信秀不出止軍于守山時信定居上野稱病不從酒井氏忠大久保忠俊阿倍定吉言清康曰清洲在前上野在後守山其姻也上野有變守山必應是腹背受敵也雖有衆無用不如還清康曰叔父至親實無二心守山掌握之物已不足慮也予自始立以寡擊衆以小敵大所向無不摧破公等所見也今不戰而退衆其以予怯尾後無為我用信秀出可虜矣不出圍而後謀初定吉使於信定釋怨至是人咸言定



吉欲立信定定吉無以自明恐大誅之至偶會馬逸  
軍驚定吉子正豐為誅定吉自後弒清康植村榮安  
立斬正豐定吉將死氏忠俊交止之定吉遂收兵  
歸信秀踴之見其整不敢擊清康子

廣忠尚幼信定誘長親代立因尾之勢叔將吏定吉  
恐以廣忠出自神戶之勢州吉良持廣迎而授之館  
加元服明年定吉說持廣以納嗣子之利喙今川氏  
輝二許之會持廣死子義安与尾成定吉復以廣  
忠之長篠參大臣潛許納焉使定吉弟定次納諸今  
橋冬義元取年呂居焉義元氏輝弟氏輝死代為駿

君六年信定圍之不克松平信孝大久保忠俊為內  
主而諸長親二許之五月朔歸岡崎釋信定等罪  
七年廣瀨城主佐久間盛重數為寇天野某佯為叛  
往刺不殊九年夏尾攻安城松平利長擊却之弟信  
廣死之十一年秋攻東條西條降之尾兵五千出馬  
頭原駿將雪齋師二万人救我戰于小豆阪冬尾襲  
上野長親卒織田敏宗棄喪圍安城不克傷股而走  
信秀怒親將未伐拔安城降佐崎十四年敗尾于清  
原酒井忠尚松平清定入上野以叛圍之不克十五  
年九月作二隊攻之清定等降親信岩松弥八醉傷

廣忠植村榮安捕殺之省其子為樂戶駿取我吉田  
阿部定吉等患信孝專十六年正月信孝之駿因逐  
之奔尾為岡城主與忠倫忠尚迫岡崎欲道尾伐我  
廣忠恐遣寬重忠刺忠倫于上曲冬乞救于駿二求  
質世子二至田原信秀賂戶田政光奪之使人來  
求平廣忠不可曰頃年于戈相繼死亡載路非君之  
故乎予不忍以兒故率其子弟受盟于父兄之讐守  
山之難駿克定我自古有死無言不立兒之命在君  
何辱命之有十七年信秀入上曲廣忠以駿兵敗其  
庶兄信廣于小豆阪大久保忠俊等殺信孝于萱生

川信秀乃還既敗尾將荒川勝季于重野追至西野  
又敗之及敗八草梅坪兵信秀數戰不得志出兵于  
柳池廣忠擊大敗之信秀單騎脫走十八年三月三  
日信秀死子信長立廣忠因欲復所喪地攻岡城走  
信廣既病六日卒年二十四慶長中贈大納言廣忠  
幼遭事變忌諱不能推腹心于衆宗臣巨室內不自  
安州內分裂國終孤危 神祖還岡崎當今川氏之  
衰稍復舊境懷服豪傑佐織田氏抗豐臣氏數年之  
後竟致疆大一戰天下大定再戰遺孽盡殄慶元之  
際四海皆歸德川氏

神祖紀第一中  
神祖諱家康天文十一年十二月二十六日生於岡崎始生其王父見之曰兒也聲音非常必安天下者追贈納言為尾所困質于駿求出兵至田原戶田政光奪致諸尾岡崎人森新八從尾將林通勝來潛詣神祖所告以政光謀欲與俱去從者以親故不信至乘舟尾兵從後至衆始大驚信秀館諸熟田使人求平不可徒諸清洲既聞贈納言卒悲欲絕者數矣義元以為尾挾嗣子岡崎人勢不能不從是生一尾遣其將朝比奈泰能戍岡崎三月我兵攻安城冬駿雪

神祖紀第一中  
神祖諱家康天文十一年十二月二十六日生於岡崎始生其王父見之曰兒也聲音非常必安天下者追贈納言為尾所困質于駿求出兵至田原戶田政光奪致諸尾岡崎人森新八從尾將林通勝來潛詣神祖所告以政光謀欲與俱去從者以親故不信至乘舟尾兵從後至衆始大驚信秀館諸熟田使人求平不可徒諸清洲既聞贈納言卒悲欲絕者數矣義元以為尾挾嗣子岡崎人勢不能不從是生一尾遣其將朝比奈泰能戍岡崎三月我兵攻安城冬駿雪

齋奉能圍安城伏兵擊敗尾援兵信廣出城應之雪  
齋子參兵迫不得入城信廣僅百餘騎走保子城雪  
齋使人說以易嗣子義元以岡崎在尾境而嗣幼恐  
生變居諸駿府置吏与戎將吏文治國事松平家乘  
松平家次酒井忠尚酒井忠次等居駿府老臣盡納  
質子収其田量口給糧出軍使居前希其失亡公居  
駿府恐其衆散賜國入書曰待予歸復田宅衆懷書  
泣曰生不十歲不憂羈旅而憂流離有君如此孰患  
無田是年駿參攻南端明年大將軍義晴薨二十三  
年取鳴原時公年十二駿俗端午投石為戲負公赴

左曹公曰左曹特衆取敗之道也不若往右曹  
景勝義元聞益重焉弘治元年參駿攻蟹江二年正  
月尾攻我福金十五日元服名曰元信之岡崎下馬  
勞士庶無不泣有遣使幕府獻馬一匹明年春在駿  
府改名元康九月天皇崩  
永祿元年伐寺部燒其郭伐廣瀨舉毋梅坪伊保敗  
水野信元于右瀨義元曰是龍種也歸我山中二年  
春本多廣孝石川清兼天野景隆請徹戍兵而歸公  
岡崎質將吏妻子復始田宅義元不可曰待我得參  
西而後議去年參兵連捷今年鳴海大高沓掛及尾

降駿<sup>二</sup>遂欲困尾<sup>三</sup>恐連壘自固公以駿令翰栗于  
大高達信長出諸將欲還杉浦時勝曰持滿上山不  
在戰速前莫生謀公迺遣遊騎舉火寺部梅坪諸城  
出兵救之因直納糧大高既攻降菊縣邑三年五月  
義元大舉伐尾公會義元于池鯉鮒反攻九根佐久  
間盛重佯死得脫使公守大高別遣將拔鷺津所向  
無不克益輕敵不設備信長冒雨下山襲義元于桶  
狹斬之駿兵守城者皆潰公衆欲歸公曰軍中多訛  
言如何輕去水野信元公舅也使騎淺井道忠來言  
公曰舅民尾厲不可信拘道忠不出既候者歸衆欲

復去公不可待月方發刈屋兵遮路望見道忠不敢  
動比至岡崎駿將已去之公曰駿將異日將以我為  
辭次于大樹寺三日而後入公居清洲二年居駿府  
十二年備嘗艱苦於義元滅以為駿固不義不足與  
也又恐尾采其弊屢出攻其邊擊廣瀨城至于拂楚  
阪斬之取廣瀨攻韜掛侵石瀨敗舉母梅坪寺部攻  
駿戍于醫玉山鳥屋根走之四年春侵石瀨拔岡城  
於是信元知我与駿有隙平尾于我公許之取丹家  
鳴海韜掛廣瀨舉母梅坪大高刈屋岡寺部十城正  
尾參之疆盟信長于清洲曰尾為政于天下參從之

其於參亦如此。子俱戮力，勿相為害。饗禮送至野三  
御至境，又使林通勝管谷。清宗來拜，從是參專東面。  
与駿相距四月，段嶺長篠野曰：月谷咸降，秋石川家  
成圍長沢，而還逢公還，自攻牛窪，俄城中失火，家成  
以為公入城，公亦以為家成燒城，兩軍及赴之，城潰。  
九月，酒井正親定西尾，東條五年二月二十五日，改  
名家康稱為藏人。三月，拔西郡斬鷄殿，長持執其二  
子易夫人世子干駿。九月，將討佐脇，酒井忠次与牛  
窪八幡兵戰于小境，敗。公疾前，大破之，屠佐脇八幡  
濱，松飯尾致實、高山奧山貞澄降。駿將新野親規攻

致實，共死。吉田城主小原鎮真集將吏妻子質者，殺  
之。尸諸城上。公怒。六年正月，築寨自牛窪，起屬吉田。  
冬，親鸞徒依吉良義昭作乱，荒川義虎、松平家次、松  
平昌次、酒井忠尚誘諸不得志者起兵，為駿守國。半  
為賊將，為寇舉燧，相呼公以是先出，赴之。賊望見，即  
走。七年正月，立寨迫佐崎，賊爭之，燒作岡。大平公絕  
歸路，破敗之。矢及轡策，針崎賊圍上曲，公赴之。途賊  
已破，追戰佐崎，又破之。二月，矢田清鮮以賊襲岡崎，  
不克，殺清鮮。賊益衰，因水野信元乞見，釋。大久保忠  
俊亦屢為言之，公乃逐首惡者，赦其餘，破東條，毀四

寺比賊平駿復取佐脇八幡三月敗駿于牛窪壁于一宮而迫牛窪五月氏真兵二萬人拔高山圍一宮公兵三千入一宮出其兵張陳于木能原會右言武田信虎欲襲其後氏真引兵還公攻五油克之牛窪榆木降圍吉田取之小原鎮真請以今川氏所有參州之地与我得質子帰駿罷兵公遣異父弟康勝与大臣酒井忠次女取其城八年拔寺部田原及濱松飯尾致實妻鬪死分其地与致實故將江馬安藝作午降置三奉行九年十二月二十九日為從五位下參河守復德川氏十年初參駿之屬也迨氏真時併

遠江守半失之武田晴信以為我竟滅駿非甲之利於其相攻時欲取參所有今川氏所失參東之地而絕我東出之道使嬖臣跡部信元往請故參東之地氏真大望曰我亦能復之不煩舅氏且舅氏非利于我將禍于我晴信笑曰信然与坐視其為人所併而罹其患孰与共伐分其地而無後患也七月使其將山形景仲来約以駿自大井川東為甲西為參十一年正月十一日任左京大夫三月公拔堀川迫宇豆山小原鎮真度不能拒伏地火而去兵未入火發二股久野頭陀寺降九月松平信一會織田信長納大

將軍源義昭于洛十二月出兵應甲取井伊刑部江  
馬安藝殺弟加賀亦為其下所殺高天神嶋塚降武  
田晴信入駿氏真奔掛川天野景貫引甲將秋山信  
友出于伊奈擊久野宗能于梶關淵聞公至而去已  
又自二股進敗奧平貞勝管沼定盈于見附公使人  
讓曰不去將擊信友恐歸十二年正月申君欲伐相  
居駿府屢遣兵來侵公使人言晴信曰取掛川在旦  
夕如約勿得相侵晴信許諾而尚猶不止公乃城見  
附遷之圍掛川不克壁于天王山氏真許久野宗能  
賂襲我後宗能佯許之伏丑將軍擊敗其軍又戰于

天王山敗之置三成而歸分兵定菟城邑二月攻掛  
川斬首二百級使淺原五殿說曰參駿世有盟誓豈  
敢有貳而君誤聽左右至于此掛川雖堅不足待甲  
若能以相兵擊其東我擊其西晴信可敗氏真於是  
欲之相公罷歸岡崎留諸將防佗變前還自掛川堀  
川人欲襲公不及三月渡海攻堀江還拔堀川四月  
堀江降使松平家忠送氏真于小田原五月公略地  
至大井川甲將山形景仲見從者寡襲公不克遁去  
晴信使人言曰初約以天龍為歲何故侵我地公怒  
攻駿府拔之時晴信拒相兵于薩埴聞公至歸甲公



為氏真城駿府六月晴信出川鳴嶋山水暴至浸其  
營晴信遁走公出兵降天方取飯田九月相兵在駿  
晴信出自東方入相氏康恐徹駿之戍自守晴信乃  
入駿屠蒲原取駿府公取小山  
元龜元年正月將居見附已城濱松居焉使信康居  
岡崎四月會信長于京師入越前會淺井久政欲襲  
後信長還歸京不告公二与羽柴秀吉稻葉通朝後  
行迎丹羽長秀明智光秀于若州而後反六月遣使  
北越淺井久政會朝倉景照于大崎山信長伐之公  
請通朝自從江兵晨渡姊川擊敗尾兵參兵渡姊川

擊敗越兵追至虎御前通朝反擊江兵二敗信長  
曰公勇畧十高祖百張良六月參遠大風發錢穀振  
民信長之模江越軍于比叡山佐二木義賢軍于江  
東欲伐信長二告急于我遺石川家成酒井忠次  
軍于勢田二千人數要擊江越兵義景等不得志請  
平而還十月北余氏康卒十二月甲辰足助名倉尾  
平我于甲二不可二年正月五日進從五位上十一  
日任侍從二月晴信屯深澤三日相兵不出反道遠  
州軍于伊奈降作半段嶺取足助遠州民叛五月公  
与晴信戰于一宮北越使來信長謂公遷吉田公怒

日若避甲去濱松有如今日對使者曰唯欲一日居  
濱松三年四月甲攻吉田冬晴信步騎三万五千會  
山形景仲于遠州陷多良飯田西攻之野分兵陷  
二股公救之不及作平長篠皆叛信長使佐久間信  
盛等十一軍來救且止公無戰十二月晴信自御方  
原入井伊谷公欲擊之信盛不可會遊兵接戰不可  
解我兵大敗明日晴信入刑部我兵從之斬甲五人  
甲人城天方六笠角輪上宮  
天正元年正月治兵于州東大將軍使晴信与尾参  
平晴信不可陷野田直欲之京師二月晴信攻野田

時中砲病創歸甲三月晴信入參州西出濃州數日  
復入參州欲攻吉田有病班軍于浪合拔去年甲人  
所築四城及足助鳳来寺城四月晴信死于浪合秘  
不發喪城社山江臺寺嶋備二股兵五月視兵于岡  
部七月圍長篠仆旗叔幕若無人我兵發火箭風起  
城盡燒居數月糧盡出走甲將救之一軍出于内金  
一軍出于作手一軍出于黑瀬會奥平貞能降甲師  
乃還九月武田勝頼出于駿州武田信綱出于森郷  
欲攻濱松不克城諏訪原而反甲相平今川氏真來  
奔今年信長克江越放源義昭于河内二年正月五

日進正五位下三月上杉輝虎使人言公曰我出兵  
上州勝賴必至公且乘虛畧地公於是復天方攻乾  
初乾天野景貫道甲兵出御方原公尤疾之令人齋  
糧攻之適雨道不通凡二攻不得志五月甲圍高天  
神信長知晴信死欲伐勝賴免步騎二萬人會公于  
吉田會高天神叛降于甲罷兵退參遠饑信長贈金  
買穀九月甲君渡天龍入二股三年大賀彌四郎謀  
反伏誅四月勝賴師二万人出作手欲取岡崎聞彌  
四郎被誅不進圍長篠迫吉田信長竟欲伐勝賴公  
恐勝賴不戰今本多忠勝縱反間使言曰參以尾兵

欲解長篠之圍信長至岡崎北畠具教起兵于伊勢  
佐木義綱集故淺井朝倉之衆破佐久問信盛于  
江北大阪頭如背盟應之信長潛歸岐阜欲以參遠  
委于甲勝賴信之攻益急五月公与信長至長篠信  
長令人齋一木与一束繩夜中植柵三重持滿待敵  
勝賴曰參尾易與晨涉瀧澤技柵山形景仲中炮斃  
小幡光盛武田信豊繼來中炮者三百人不戰退左  
軍癸武田信綱伐尾陣敗馬場信房等代破柵死者  
如麻參六將石川數正等橫擊之參尾兵十万齊起  
大呼勝賴敗績宿將皆死斬首万三千墜水者無算

公欲遂進信長不從遂往收阜并師六月攻二股田  
中取高明諏訪原八月圍小山勝賴救之臨大井川  
之上公視軍于川西而還冬拔二股四年勝賴欲攻  
二股北越君遺書曰甲復欲出兵以我軍在沼田不  
得南下且乘此機定遠州公因拔樽山景貫与拒觀  
潮阪退保鹿鼻公聞勝賴輸糧高天神馳至橫堤塞  
瀧阪鹽關勝賴並海入高天神公進軍芝原勝賴退  
夏明高船至今切丑年五月入駿甲侵遠州秋敗穴  
山信君于山梨十月勝賴在高天神公屯蝎塚備之  
十二月十一日進從四位下二十九日為右近衛權

少將六年二月參遠大雪三月北越君死公軍于大  
井川上遣兵攻田中圍小山而還秋取田中未迫持  
舟冬勝賴出高天神公屯蝎塚備之七年初北越君  
養相君弟景席為子追死其甥景勝与之爭立勝賴  
受景勝金不救景席被殺相君怒与我平景席  
勝賴之妻之弟也於是天下不義之勝賴二侵遠州  
公屯蝎塚備之八月往岡崎世子信康自殺九月相  
甲戰于黃瀬公至二山取持舟勝賴還欲与公戰會  
富士川溢公取田中未引軍入伊呂冬甲君在田中  
公屯見付備之八年正月五日進從四位上三月攻

高天神築壘而還棄持舟五月取田中麥敗持舟兵  
于遠目阪殊亦取田中禾使酒井忠次圍田中九年  
春拔高天神伊賀降于我不受夏攻藤枝尾積米東  
條二万石十年木曾督甲二攻之屢敗信長因此攻  
甲參兵三万入駿州信忠兵五万入伊奈金森長近  
兵三千入飛州氏政兵三万入豆州既氏政不進二  
月信忠拔太嶋諸城尾解公取小山降田中持舟江  
尻三月降鞠子興國寺駿府潰自市川入甲勝頼兵  
潰于諏訪信忠追之從勝頼者可五十人入天目山  
闕死傳首京師公會信忠于新府取勝頼尸葬之信

長至盡殺甲降人獨宥穴山信君以駿州与我至濱  
松見待之二盛悅曰所以我立功天下以公能挫甲  
也請奉東條之粟以賞從者五月如安土拜駿州信  
長饗之親餉食使長谷川秀一從公朝京師自京師  
如大阪初信長怒明智光秀以扇搯其面公如安土  
以光秀為主客既遣往与秀吉代毛利氏請待公至  
不聽拔饗具于江而行又奪之丹州代以所未得毛  
利氏之地六月二日從龜山還弒信長信忠于京枝  
公聞之欲討光秀諸將不可長驅歸參彘兵至鳴海  
聞秀吉誅光秀而歸於是甲信擾越兵入川中嶋相

兵伺甲州信長所置守將川尻鎮吉為亂兵所殺故  
武田氏部曲往二相聚作亂公使大須賀康高岡部  
正綱本多正信依田信蕃往鎮相兵五千取既橋駒  
碓氷欲入甲州大村某謀納北條氏邦于荊阪有泉  
大學穗坂常陸討斬之曾根定顯誘擊敗氏邦公文  
遣大久保忠世石川康通本多廣孝本多康重降諏  
訪賴忠小笠原信嶺知久賴元七月公出甲府氏直  
與公逢于淺生原氏直將戰謀至曰霧晦風力衝膚  
意者參公親來不可共戰此時鳥居元忠破氏政弟  
氏忠于郡内公分兵攻降諸為相守者沼田高遠叛

相絕其糧道十月氏直請以都留佐久歸我沼田屬  
相釋兵結婚約已定築壘旭山公怒三面登山並下  
氏直恐交質去公往信州拔岩村田取佐久七城甲  
信平十二月復故武田氏士田宅千餘人成瀬正一  
日下部宗好為奉行統其衆平岩親吉為郡代櫻井  
某市川伊清工藤元隨岩間大藏錄謠言大久保忠  
世柴田康忠管治正家討不服置官布令而歸風間  
某作亂御午洗直重擒之柴田勝家使人賀十一年  
春織田信雄來四月勝家秀吉戰于賤嶽公將往聞  
勝家敗而止公如甲府七月嫁女于北條氏直將伐

北越不果九月如甲府十月五日進正四位下七日  
任左近衛權中將十二年二月七日遷參議進從三  
位秀吉賂以尾濃欲俱伐信雄公不許使酒井重忠  
清洲三月公如清洲伊賀諸士歸我池田信輝陷犬  
山燒小牧追之不及進壁于小牧敗森長一于羽黑  
秀吉兵十三万至青塚參兵分據蟹清水外山宇津  
田小幡夜擊長一敗之長一愧四月三好秀次三万  
騎自長湫將襲岡崎參使六將裹甲卷旗而赴之伐  
走秀次与堀忠政合不利公適至敗殺信輝長一斬  
首万五千以本多正信内藤正成許収兵入小幡秀

吉馳至龍泉寺會參兵已歸小牧愕曰是何神也居  
小幡一日為我層益張陣圍小牧公亦出挑戰至昏  
罷相人未賀長湫之戰五月朔秀吉歸諸將將追公  
止之与信雄同入清洲六月瀧川一益入鱒江公破  
一益追圍之以拔下市場所得一益甥与一益一益  
泣七月斬城主出降秀吉救蟹江不及是月公妹嫁  
保科正直八月秀吉軍于羽黑公軍于岩倉西兵望  
視公大恐秀吉不悅燒樂田去九月如清洲十一月  
秀吉信雄相持于羽津公如清洲芦名盛重伊達輝  
宗長曾我部元親吉川元春使人未請結好秀吉數

未不得志歸大山于信雄以和使者前後數十輩來  
參求平欲求質子公曰彼愛將死于我乎求和于我  
何也不許信雄來拜公數出因為秀吉請一子養之  
諸將曰公子唯二如之何許之且秀吉示諸天下曰  
參質子勿遣便公不可遣秀康佐。成政涉信飛之  
間無人之地來參請伐秀吉不許信雄來十三年春  
城吉良夏如甲府秋如駿府秀吉為關白北條氏直  
使人來求治田真田昌幸不官去治田遣大久保忠  
世等往擊增駿府城冬秀吉使信雄召公。辭以甲  
信未平十一月岡崎守石川數正出奔大阪公如岡

崎參諸將納質子地大震十四年正月十四日為中  
納言秀吉使織田長益羽柴勝雅屢來請見公讓曰  
秀吉招叛納亡我欲伐之難道于尾且止汝歸具言  
我取武田氏舊地在濃州者致秀吉會戰二月秀吉  
請結婚北條氏政恐請尋盟三月會公于黃瀬氏政  
難涉川公與數十人涉川住見左右曰德川氏服公  
不忤毀治津城五月夫人羽柴氏至尚無往京之志  
秀吉欲質母台公居諸將子弟于大坂公乃許七月  
如駿府將征上田秀吉為昌幸請乃止十月秀吉母  
至公往京居羽柴秀長之宅夜潛至見曰金崎之役



微君秀吉非地上人使秀吉昇台位無非君之賜然  
秀吉起自微賤所臣使者咸曩時儕輩內實相輕非  
公假禮無竟服其心公幸終賜秀吉使終其位明日  
公与信雄相讓秀吉引公先入公執禮甚恭十一月  
為公起筵聚樂以江州三万石為朝宿之邑五日進  
正三位十一日歸至岡崎歸秀吉母二十五日天皇  
即位十二月移治駿府秀吉使津田信季來賀十五  
年起石城秀吉定築石七月如京賀定築石八月八  
日進從二位權大納言十七日歸駿府十二月二十  
八日為左近衛大將領左馬寮御監十六年正月辭

左大將三月如京賜從者爵有差幸聚樂詔位于清  
華之上五月秀吉召氏政入朝六月秀吉母病公与  
夫人往省十七年二月如京秀吉請富士之木為大  
佛之屋六月秀吉生男公如大阪七月發參遠駿之  
民伐富士之木公如大宮遂如甲州發甲信之民築  
東郡秀吉与沼田于氏政之所置沼田守屠名胡  
桃氏政又築山中城不禮秀吉之使秀吉怒執其使  
十月如京秀吉告用兵干相十二月往受兵期檢五  
州之田十八年世子如京翌日乃還公曰欲假道中  
城已使木多正信木多重次按行諸城居三日果使

人未請吉川廣家守岡崎二月十日發兵東出善德  
寺中窪泉頭獅子濱成潰遂壁于中窪三月二十日  
還見秀吉于駿府共往中窪公從函嶺北道掘秀政  
從南道交秀次軍鷹巢足柄新庄成潰擊走宮城野  
湯木竹浦兵四月圍小田原城久不拔有言公信雄  
有貳志秀吉以小早川隆景計就二營飲流言乃止  
又以公言分兵攻降縣邑七月氏直降于公使因  
羽茶勝惟請之秀吉令井伊直政榑原康政出其衆  
脛阪安治片桐且元禁層掠秀吉初約救氏政於是  
皆而殺之以其故地亘相武安二總二野封公治江

戶以江州九万石為朝宿邑石部關四日市白垓未  
野中泉清見寺嶋田為獵地明日秀吉如奧八月朔  
公入江戸封邑有差食駿甲信者咸減削置五將統  
關中衆吏守伏見邸置三浦三崎奉行秀吉還自奧  
公与之會于武府與民作乱使秀康伐之尋亦遣公  
十九年正月至古河而還閏月為移封故如京与俱  
獵清洲又使公及秀次伐九戶六月公至岩手秀次  
至國分寺九月遣兵攻降九戶遷伊達政宗于大崎  
而還十二月三好秀次為關白内大臣稱秀吉為大

文祿元年增置大衛將秀吉將征朝鮮公部上松景  
勝佐竹義宣伊達政宗南部信直如名古屋七月城  
江戸秀吉歸京屬公及前田利家以軍事十月秀吉  
如名古屋二年八月秀賴生秀吉歸伏見公還賀之  
遂歸江戸三年致徒役城伏見從秀吉遊吉野還饗  
于伏見邸九月公女嫁池田輝政四年三月饗秀吉  
于聚樂邸贈省山積下及輿僮五月歸江戸七月秀  
吉使來告燒秀次公邸日出江戸公女嫁薄生秀行  
罷朝鮮兵是年八月八日為正二位內大臣  
慶長元年春復伐朝鮮五月八日為正二位內大臣

稱為內府閏七月伏見地震二年八月征夷大將軍  
源義昭薨三年六月秀吉有病伏見民夜駭憂之謂  
公曰天下方艱非君不可濟也我死君居我位視秀  
賴如視余迨長也唯君所使公固辭曰父子相兼誰  
敢有貳擇置輔弼尚將何慮石田三成增田長盛沮  
之乃置大老中老奉行維持天下之政以公及前田  
利家浮田秀家上杉景勝毛利輝元為大老曰內府  
固讓不受天下不可一日無君是以置神弼立少子  
職任已定悔之靡及內府其總上老奉行察可否進  
退之莫違內府令進誓書秀吉以變詐御衆諸將精

忌莫能相親爭趨事竭死乃怨讎不解於是恐不利  
少子令淺野長政平之不克公為居間事解秀吉悅  
飲酒諸將尚有不平之色公援刀而起曰諸將賣我  
不可坐取罪誰與我同死者座中大駭聲歡而罷  
七月石田三成、大野治長、閔兵器、高民大援十八日  
秀吉薨奔散如寇至公居伏見統軍國事利家居大  
阪輔少主四年正月諸侯見公如見秀賴大老奉行  
不悅公奉少主遷大阪二月与大老奉行盟利家來  
公將往謝三成止公曰利家有謀不若勿往公不可  
三成欲因襲公池田輝政、細川忠興、福嶋正則、黑田

長政、加藤清正、堀尾晴氏、藤堂高虎從公往來三成  
不敢動三月移向嶋五奉行剃髮見公于豊後橋閨  
月諸將請誅三成公不許罷其奉行歸澤山四月中  
老以命公居松丸以公兵守内城討石田三成之  
乱之故正福原直高等罪遣伐朝鮮諸侯歸國明年  
秋至阪上杉景勝以移封前田利長以新立亦歸國  
明年春至阪公如大阪八月朝京師九月公以為流  
言之起以与少子相遠也移居大阪高臺君出西城  
如京師奉行長盛正家請居西城建天主列侯邸樓  
門皆毀之言公曰利長將不利于公此見少子使与

長政圍棊治長雄久居側伺使公夜往見長盛明日  
晨入見少子從者從上殿無敢呵止者既罷長政奉  
行歸國逐治長雄久為將伐利長徵師澤山利長恐  
質毋江戸冬將干茨木利家詔賜士大夫  
...

神祖紀第一下

五年春上杉景勝不朝公發兵討之公自白河佐竹  
義宣自仙道伊達政宗自信夫最上義光自米澤前  
田利常自津川同入會津六月公東出諸侯兵五万  
人從南遊鎌倉七月至江戸与諸侯置酒高會十九  
日先遣世子二十一日出舍鳩谷聞石田三成作乱  
益徐行至小山會鳥居元忠書至諸侯納質請討三  
成真田昌幸遁歸晦日伏見陷八月朔立忠吉為將  
井伊直政本多忠勝為護軍以諸侯兵西關東大水  
没河帰江戸二十三日諸侯拔岐阜關中卒守海

道諸侯城九月朔聞諸侯拔岐阜以兵三萬人發江  
戶賜書于世子會于濃州藤堂高虎諸人岐阜以世  
子不至佯病居清洲二月入岐阜明日至岡山諸將  
欲攻大垣公曰城固兵衆攻不必克夫三成亦欲我  
攻之也我如菩提城三成必趨利出則為我擒是時  
毛利秀元壁于南宮羽柴秀秋壁于松尾与三成不  
相得三成夜如膽吹之陽欲使二侯先戰而乘其弊  
与浮田秀家嶋津義弘小西行長僧慧瓊戸田重政  
布陳南北二十餘町大谷吉繼在其南股阪安治朽  
木元綱等在其後陰備松尾之變長束正家長曾我

部泰親与秀元並陣九月十五日公使堀尾忠氏守  
岡山出軍野上中村一榮塞大垣道池田輝政淺野  
幸長德永壽昌市橋長勝松下重綱金森長近一柳  
直盛橫井伊織山内一豊有馬則頼當南宮兵福嶋  
正則為先鋒松平忠吉与直政忠勝在其後細川忠  
興加藤嘉明黒田長政藤堂高虎石川貞政織田長  
益繼進擊三成于關原破之斬首三万五千追受功  
未嘗曰自古莫能處勝三成猶在詰凱歌公曰諸侯  
妻子在敵之手非我故乎我獨何心作凱歌十七日  
拔沢山正家入水口自殺十八日獲行長明日天皇

使人勞公于草津遣大野治長于阪曰賊臣三成妖  
僧慧瓊構我二家今已破矣相親如舊無有嫌隙居  
大津三日獲三成慧瓊与之鮮衣及行長二十五日  
治長來放增田長盛于高野二十八日至阪居西城  
天皇使人來問於是四海歸于上以直政康政忠勝  
為執政正純為奉行直政等議曰阪天下首領先代  
居此号令天下諸移秀頼而草民之視聽上曰少子  
無知非其罪也輔佐得人雖居此無害并片桐且元  
為阪相十月朔斬三成行長慧瓊直高梟首京師十  
二月皇子政仁為皇太子上詢立都于世子對曰小

子安足与議願隨天下之心無所不可上大悅以江  
戶為都以河棧封阪大封列侯宗室文為  
六年二月封功臣關外有差三月如伏見置天皇湯  
沐邑及公卿采地以万石奉豐國廟二万石于高野  
以板倉勝重為諸司代關東疫癘九月建学校于伏  
見十一月歸江戶本多正信内藤正成為奉行掌租  
稅青山忠成為江都合上如忍發關中諸侯城二條  
七年正月六日進從一位二月開加賀侯將朝如伏  
見侯乃如江都并伊直政卒三月如阪四月朝京師  
六月增伏見城九月傳通大夫人薨十月歸江都十

二月如伏見  
八年二月如阪秀賴為内大臣十二日天皇使權大  
納言兼勝參議光豐往伏見拜上為征夷大將軍右  
大臣淳和并學西院別當源氏長者右馬寮御監賜  
牛車兵仗八月放浮田秀家父子千八丈十二月歸  
江都京師多盜十家為黨相察一家有罪九家連坐  
九年二月東海東山北陸三道築一里塚三月自契  
海如伏見閏八月歸江都九月增皇家邑為万石  
十年二月如伏見朝鮮王使其臣孫文或金孝緯及  
僧松雲來求平歸俘虜万餘人四月朔癸鮮大將軍

西院別當授世子十二日秀賴遷右大臣千石與世  
子并大將軍大旱七月江濃勢尾參大水八月關東  
洪水十月歸江都十一月如忍川越  
十一年正月令池田輝政福嶋正則淺野幸長加藤  
清正黑田長政城江都藤堂高虎量功分地三月上  
如京師至駿府樂馬移城主信成于長濱將居焉四  
月如伏見如京師十一月歸居西城狩川越  
十二年正月癸越前美濃尾參遠之民城駿府三月  
遷駿府五月於清見寺見朝鮮使者賜刀鎧等物七  
月三日城成十月如江都十一月如忍川越十二



月歸駿府二十三日内城災避火竹腰正信宅遷本  
多正純宅令勿吊火有民被燒則有難  
十三年癸亥參遠民採材于木曾熊野伊豆三月而成  
九月如江都將武野德祖朝上于府中十二月歸駿  
府重相之規府治之法如于其家保其子孫  
十四年正月如尾四月殿前有人被髮敝衣而食龜  
無指問所從來舉手指天竟不言又一男子無故至  
寢室下並赦勿殺九月令曰此者西諸侯增城浚池  
造大船不知其極今建其制悉收大船歸之有司十  
一月如江都至三嶋有病而還移阪猿舞戶于駿府

十五年正月如尾移治名護屋以故都僻隘也八月  
中山王来十月府厨火遊獵至江都今年攻燒蛮船  
于長崎外夷歎塞二十餘國  
十六年正月狩捺原三月如京師帝將進位相國不  
受請贈義重廣忠贈廣忠從三位大納言義重從四  
位下鎮守府將軍二十七日天皇傳位于皇太子明  
日秀賴未令諸居阪者無故相會飲酒作舞風俗日  
頹自今代居駿府雷一二年四月使義直賴宣如阪  
報秀賴諸侯上誓書是月歸駿府七月定驛法城皇  
宮八月朔置史官上狩淺間砲連三鳶張候百二十

步三發三中十月東出而獵德祖朝上于金川至江  
都召賜諸侯妻子食如忍如川越聞義直病瘧而還  
德祖朝川越十一月歸駿府以美勢江十三万石屬  
駿府二十八日見明人  
十七年正月狩遠參尾之間三月因有馬暗信千甲  
府禁耶獲教四月兩電春日山祠屋上交木折而墜  
地天皇未過自責上報曰二祠久不修怠慢則有灾  
異未矣願勿勞聖慮命後藤光次如江都立阡陌七  
月京師有異人曰因果居士年九十餘多知前代事  
召見賜宅駿府十月穰至忍閏月如江都聽越獄十

二月歸駿府時田正時來以前令也於天而始於  
十八年草手家制五條以癸九月如江都北出狩十  
二月將歸至稻毛甲人馬場忠時上變告大弒保忠  
隣及德祖朝于稻毛復如江都  
十九年正月稱熱州神遊行海道傳相奉上令禁之  
狩千葉將歸駿府令本多正信藤堂高虎毀小田原  
郭德祖朝上于小田原陳兵函嶺大磯以西三島以  
東止行旅而行本多正信本多正純為檢耶蘇使天  
皇欲進上相國准三后納孫女為后上辭相國准三  
后四月五日電駿南海中得魚三尾狗首龜身貉鬣

如又擔之二十人僅能堪七月僧宗傳言秀賴作鐘  
銘祝坦上前田利常上大野治長贈兄利長書與舉  
兵事十月京兆尹言阪欲誅旦元桑兵且元亡入茨  
木上使大野治氏往阪問且元所坐不得入阪而還  
因言曰臣兄及織田長益之謀也上不憚追治長為  
刺客傷竟遣治氏又放增田長盛謝老不能行遣子  
宗重七月設居守部吏士出舍田中從者五百人至  
岡崎出令<sub>二</sub>諸侯秀賴恐與德永昌重書謝請罷兵  
上不聽是日木多忠政進兵牧方九鬼安隆入新家  
十七日京兆尹言阪定及令木多正純發西諸侯二

十三日至二條給諸軍糧以十月二十日為始不問  
遲速置關津防姦人使藤堂高虎先往嘗敵十一月  
松平忠明至平野松平忠繼克神崎十日德祖至伏  
見上聽浮屠說法十七日上至任吉加賀侯陳岡山  
為東路前鋒越前侯次之德祖陳其南藤堂高虎井  
伊直孝為西路前鋒義直賴宣次之上陳其後仙臺  
阿紀兵攻西南播作兵攻北米澤秋田松江酒井家  
次木多忠朝桺原康勝所部攻東凡三十萬人決澁  
注鳥養天滿為陸編竹牌穿地道十九日阿克穢多  
崎置行人十五員二十六日破鳴野明日取葭嶋博

勞洲二十八日增軍糧二十九日天皇使人來勞西  
諸侯罷臣納質子于伏見晦日阪棄天滿仙波十二  
月小堀政一中坊定次往和州押阪兵妻子上不欲  
傷人令持矢炮者草堤而發九鬼守隆折河口六日  
移營茶臼山上不介而行矢石不能傷甲山蛙關北  
者不勝紅夷至命令操煩賜外諸侯銀各百貫自九  
日每夜作聲使城中不得寐遣雲梯十五日上海移  
大坂質澁夫人而罷兵秀賴曰給將士俸而東澁夫  
人不者以阪代阿讃豫不与之安總二州不可天  
皇乃欲詔秀賴罷兵上止之曰秀賴不奉詔成竟不

成不若使其自計於是正純約毀外城謝諸侯秀賴  
許之出大臣之子為質令木村重成出盟于上板倉  
重昌入盟于秀賴二十三日九州兵至兵庫而還二  
十五日上如京師留德祖毀外城上皇欲改元上議  
請用季唐年号詔上正月節會白馬踏歌親王准后  
官位儀則上以非倉卒可成歸至駿府撰定是年海  
上無風舟船不阻  
元和元年正月三日上海歸往二月七日  
德祖朝上于中泉初秀賴集兵五万餘追受圍澁夫  
人悅和議容將僥倖圖富貴兵罷無所歸說秀賴曰

前親鸞氏以一旅抗織田氏者得地之利也太閤也  
至天下之力城焉粟米充奴金帛山積雖外城毀豈  
如親鸞氏之時哉昔城決戰不克則堅守諸侯久之  
無功必生異圖當是時為二公計不過求和二公求  
和所欲可得秀賴然之海道又傳奉伊勢神下所在  
禁之三月丑日京兆尹言秀賴又反四月四日彗駿  
府至名護屋徵兵四方十八日至二條大搜姦人二  
十一日德祖至伏見阪將大野治房冠和州紀侯敗  
治房于樅井五月朔上將出會古田重勝謀反止申  
守備秀賴出于住吉分兵掠泉和四日阪侵和河德

祖欲待西諸侯上曰莫口之將烏合之衆不守城出  
戰雖衆何為令齊三日糧藤堂高虎井伊直孝柳原  
康勝酒井家次本多忠朝越前侯加賀侯入自河州  
水野勝成本多忠政松平忠明仙臺侯從越後侯入  
自和州六日勝成政宗敗後藤政次等于譽田高虎  
直孝康勝敗木村重成等于若江七日越前侯為西  
路前鋒陣茶臼山南勝成等五人在左忠朝家次康  
勝在右永井直勝安藤直次在中軍前掌號令義直  
賴宣在後加賀侯為東路前鋒陣岡山南本多康紀  
本多康俊遠藤慶隆在右六衛將為前右軍酒井忠

世土井利勝本多正信為前左軍筑前侯松山侯居  
中軍德祖親將丹羽長重保科正光成田氏範仙石  
好俊為左軍井伊直孝藤堂高虎為右軍安藤重信  
為後軍森勝永斬本多忠朝小笠原秀政其鋒甚銳  
秋田實季等十二人疾鬪當之後軍又誤發炮益亂  
及麾下然敵亦竟破德祖縱麾下與三衛擊治長直  
孝高虎自傷進會越後侯入城放火衆之擊敗治長  
等斬首萬三千明日使永井直勝問秀賴下令赦其  
母子使者未至自殺死上望見天主火謂德祖曰以  
無外患勿怠政勿疎義直賴宣以為羽翼休諸侯三

年而後可使即起如二條閏六月傳軍禮于德祖朝  
天子饗公侯領令天下八月歸駿府十月野田都狩  
于總武之野德祖聞上樂泉頭請城馬上女嫁淺野  
長晟

二年正月海道傳送伊勢神宮吉田言神無不至  
何故旦行旦飛旦禁令棄之于野二十一日狩田中  
病止三日德祖馳至駿府進醫不可卻婦人不得侍  
見德祖曰吾死不恨三弟幼代予教之列侯期不來  
速伐之謂義直等曰事幕府如事余出給使令入侍  
左右唯命是從命列侯曰予本有參之半微列侯之

力不至此今病弥篤見止于茲列侯其歸國俟徵令  
若或不中意其復為我所為莫使民苦無道天下者  
天下之天下顧有德者得之耳死而有知非所恨也  
今列侯固請止若許之以天下私其子也非所以示  
天下後世也大賜金帛遣之三月天皇并上為大政  
大臣四月十七日厥代葬久野賜神号賜正一位明  
年移葬日光正保二年賜号東照宮歲奉幣致祭  
史臣曰天之愛斯民久矣然非待有德者不能成其  
仁皇家陵遲政刑遷于鎌倉足利氏繼之禮樂墜于  
地矣德川氏積德數世神祖以柔致剛以誠制詐依

違于織豐之門以成洪業宇内再新北民不改觀雖  
咸惠積厚為天下之歸往豈人刀哉

德祖紀第二

德祖諱秀忠天正七年生于濱松神祖已殺信康立為世子遷駿留之居濱松九歲元服為從五位下藏人頭進正五位下秀吉將伐小田原神祖遣世子見秀吉一使毋梳髮易衣名曰秀忠謂井伊直政曰無復田舍之態使納言視之如何且納言欲以為質非我所以相待速歸之秀吉又自小田原召觀其衆親被之甲曰必如我遷江戶為從四位下侍從明年補左近衛權少將兼武藏守尋遷參議左近衛權中將神祖如名古屋使留監國事秀吉母死往吊之為

Faint bleed-through text from the reverse side of the page, including characters like 天下、天子、皇、後、臣、民、等.



從三位權中納言明年如京神祖將歸江戶知秀吉  
不憚秀次曰秀次召汝固勿往有變入衛大廳秀次  
果欲挾世子使神祖居間蚤戒世子食使者屢及大  
久保忠隣載婦人之輿往伏見秀吉悅曰是驥子及  
秀吉病薨秘未發喪使人東方來稱夫人淺井氏病  
篤即日駕東歸會津之役部諸將兵四萬人至宇都  
宮會石田三成及使世子築宇都宮取上田與共會  
于勢尾之間以柳原康政大久保忠隣未多正信為  
護軍早為東宮三傑九月取伊勢山圍上田攻五日  
城不拔引兵西苗木兵遮路世子恐不及事不攻云

至濃州會三成破神祖在大津欲更世子大久保忠  
隣固爭得止語在忠隣傳遂先之段二十餘日之京  
明年正月之段三月之伏見并從二位權大納言也  
月歸江都嫁女于前田利光七年以關東二十万石  
為湯沐邑盡分子左右帳下八年春神祖在伏見令  
列侯朝世子于江都七月嫁女于秀賴十一月兼右  
近衛大將右馬寮御監九年朝京師十年三月往京  
師諸侯兵十餘万從四月十六日帝使權大納言兼  
勝權中納言光豊并為征夷大將軍正二位内大臣  
淳和時字兩院別當源氏長者賜牛車隨身兵仗右

大将如故。五月、神原主嫁松平利隆。六月、滯江都。十一月、置宮衛。大将如鸿藻。十二月、南海大風。有山見。八、大束安二、总地、勘、潮、没、居民。

十一年春、諸侯城江都。八月、四国、中国、大風。九月、内城、成、獵、古河、下、妻、佐、倉、是、年、築、玉、城、烟、草、入、国。

十二年、余米、澤、侯、仙、臺、侯、會、津、侯、山、形、侯、秋、田、侯、越後、侯、造、天、主、四、月、朝、鮮、王、李、昭、真、方、物、七、月、駿、府、城

成、通、富、士、川、十、月、四、日、淺、妃、生、女。

十三年、越前主嫁毛利秀成。四月、城江都。五月、禁倡家、畿、内、頻、水、八、月、如、駿、府、十、一、月、割、淨、土、僧、廓、山、公

其徒六人、以与法華僧日经論法于殿中也。十二月、廢、永、樂、當、四、法。

十四年、三月、四、日、月、上、下、如、蝨、五、月、神、原、康、政、卒、七、月、禁、烟、草、九、月、給、米、六、万、石、造、伊、勢、二、祠、治、戊、伏、見、犯、法、者、冬、神、祖、使、西、諸、侯、待、歲、于、江、都、命、諸、侯、進、大、臣、質、子、本、多、忠、勝、致、仕。

十五年、閏、二、月、將、于、田、原、城、名、護、屋、龜、山、五、月、薩、侯、伐、琉、球、擒、其、王、尚、寧、八、月、以、尚、寧、未、朝、神、祖、欲、上、為、茶、宴、於、是、屢、遊、執、政、及、諸、侯、邸。

十六年、二、月、城、江、都、四、月、十、二、日、皇、太、子、即、位、八、月

常州賊起使人討平之九月上女嫁越前侯冬朝神  
祖于金川于川越賜從宮酒食金帛上至孝能承順  
小心謹慎未曾有失旨神祖好獵行所至執政蒞事  
下至厮役皆飽酒肉近臣日至候起居嘗居駿月餘  
命阿茶選有美色者執菜詣館戒勿以命上引使再  
拜受送迎如礼神祖益以稱之嘗從容語左右曰早  
聞道者不盡於道早晚事者不盡於事以矜己能而  
不究所繇也所謂知其一不知其二臨事躑躅念此  
可無太過十一月伏見火列侯第十七盡燒是月通  
鴨河與州海溢殺人馬數千琉球人來

十七年三月禁耶蕪教士人十家為黨相糾市井  
豎相集歌舞结交使氣凌轢良民蹄曰歌舞伎士人  
無行者從之為群或至為友殺主上疾之令吏捕獲  
盡斬上如駿府八月令民勿得殺牛種烟草冬城江  
都

十八年王宮成冬朝神祖于稻毛

十九年正月日大久保忠隣于彦根知政事侍中奉  
行上誓書二月九日為從一位右大臣三月彗星見  
城江都高田放奉耶蕪者高山長房內藤忠俊等數  
百人于西洋其餘不變者遷諸津輕四月三日赤

如楮五月畿内大水六月遣使者長崎披耶獲九月  
大風秀賴以片桐且元事怨二祖上聞其招亡命積  
糧草欲討之使土井利勝迎神祖六曰予往京然  
否不掩如及將軍征之予以十万兵還寺閏中十月  
罷諸侯城者歸國俟命六日大雨雹二十三日居寺  
已定發江都其衆二十餘万人二十五日地震神祖  
許待上共進然秀賴出不得避云上恐倍道而行神  
祖以勞衆止之留永原三日諸侯畢至十一月陣平  
野十七日十二月四日如岡山神祖將平上曰天下  
知秀賴之罪克在旦夕若許之平何以謝諸侯神祖

曰古有言百戰百勝非善之善者又曰勿侮少寡分  
阪城固食足攻之多傷人上將復言本多正信固諫  
乃止於是神祖先歸上使諸侯平溝整定法令明約  
束錫銀列侯遣之息役三年

元和元年正月朝京師二月歸至江都以秀賴背約  
命發師然未顯言伐之四月如伏見五月欲出天王  
寺神祖不可七日自岡山擊敗之明日秀賴自殺大  
野治長真田幸村森勝之速見時之等死之赦從秀  
賴者勿禁錮大野道軒長曾我部盛親真田幸村父  
子不在此令九日如伏見留大衙四將守阪秀賴子

國松道軒盛親捕獲伏誅。增田長盛于川越古田  
重勝于京治長子治德于下谷及將吏質子二十日  
西諸侯至命歸其兵令畿內捕賊六月朔江都地震  
再朝王七月頒令天下歸江都十二月令侯國毀城  
壘與羽二州不在此令賞從軍者  
三年正月宗室列侯有司至巫僧執質賀歲首其大  
夫以上賜衣一襲四日而畢令每歲為例二月朔開  
神祖不豫馳一日夜至駿四月上好嫁紀侯十七日  
神祖厭代二十五日謁梓宮于久野禮畢東歸五月  
禁忌錢令曰一切行禁在路者無所取給其令所在

郡國以救粟更惡錢如時價造倉藏之俟後令令士  
人無籍者無得居京師六月制方石以下弓砲旗槍  
軍賦之數增大衛為十將九月發北方諸侯大治光  
陵十月禁種烟草勿妨田作建祖廟于參河鳳來寺  
分神祖所御器用財賄賜二藩擇列侯有司長年熟  
事者日夜更入備應對及有出入東宮者以物故多  
也

三年正月補行人十七員西城十八員四月如光陵  
赦阪土人五月朔雨雹枯麥六月如京師八月彗星  
見朝鮮王李璉使其臣吳允謙賀平坂二十六日天

皇崩上皇踐祚晦日正清主卒九月歸江都十一月  
狩東金越谷令成伏見者得歲相代  
四年鑿隍西城前治光陵者役半四月楓山祖廟成  
七月上妹嫁本多忠刻十一月狩武總之野  
五年正月置侍御史及東宮又置之四月如光陵東  
南有白氣如牛角至冬五月不雨至八月瘧疫並行  
牛馬多死彗星見八月洪水殺人畜遣行人安倍正  
之球摩誅那浪彈正十月狩東金十二月五日天熱  
如夏增職官封邑置大阪雷守及左右少尹  
六年二月三月京師頻火毀伏見城大阪八月畿內

西國大水十一月狩東金上女為女御令宗室列族  
徙家屬于江都自今年至十二年畢過期者有罰發  
與羽諸族城江都西諸族城大阪  
七年二月尾郎大族郎二十四延燒六月十一日天  
皇冊女河為后治光陵大抵前諸族也免今年春羅  
災者八月三日大風暹羅人來十月子又三宅藤十  
郎十一月狩東金置清水奉行  
八年四月自光陵至宇都宮聞妃病急不宿而去五  
月自知政事以下致徒役修宮室上居西城母子居  
本多忠政弟七月三日天德主卒十一月內城成改

造天主

九年松平忠次為世子傳六月如京師七月如大坂  
還請解大將軍授世子二十七日命下八月增玉家  
邑万石如泉塚十月十九日皇女生暹羅人未寬永  
元年傳旌旗馬標移居西城三年如京師八月十八  
日進從一位大政大臣九月聞妃病而歸未至而薨  
四年十一月狩東金往召賜列侯茶五年如光陵  
八月豐嶋正次殺井上正就于西城青木久左衛正  
次冬狩東出六年冬如忍越谷七年東出狩八年四  
月有病列侯請留奉起居不許十二月上自知病不

起召見列侯二年九月正月二十四日厭代茶綠陵  
發關中諸侯治作贈正一位遺命賜書畫刀劍金銀  
于宗室列侯大宗亦分与賜所得凡五十餘万金其  
万石以下不算

史臣曰德祖者所謂無為自化清靜自正者耶世所  
傳与左右近臣論說一編若非耶至克續父之志終  
身無改可謂至孝矣

大宗紀第三  
卷三  
大宗諱蒙光、慶長九年生于江都、方征、改、命、酒、井、重  
忠、酒、井、忠、利、内、藤、清、次、奉、世子、居、守、初、德、祖、子、妃、淺  
井、氏、愛、少、子、忠、長、欲、更、世子、左、右、日、稱、所、長、媚、于、上、  
所、求、無、不、得、世、子、時、至、乞、因、宮、僚、敢、無、出、息、改、平、愈  
益、欲、易、之、獨、憚、神、祖、未、有、所、言、神、祖、憂、之、行、獵、如、江  
都、見、忠、長、于、櫻、門、不、禮、之、見、世子、于、門、内、下、與、子、言、  
提、于、上、殿、指、旁、有、一、席、問、之、有、司、對、曰、忠、長、席、神、祖  
作、色、曰、人、臣、自、有、位、次、得、与、適、子、並、哉、顧、淺、妃、曰、此  
非、所、以、愛、之、適、足、禍、之、已、妃、大、慙、不、知、所、言、又、謂、德

之、人、也、  
九、年、也、  
是、時、神、祖、大、怒、  
忠、長、  
神、祖、  
世、子、  
淺、妃、  
上、殿、  
指、旁、  
有、一、  
席、  
問、之、  
有、司、  
對、曰、  
忠、長、  
席、神、  
祖、  
作、色、  
曰、人、  
臣、自、  
有、位、  
次、得、  
与、適、  
子、並、  
哉、顧、  
淺、妃、  
曰、此、  
非、所、  
以、愛、  
之、適、  
足、禍、  
之、已、  
妃、大、  
慙、不、  
知、所、  
言、又、  
謂、德



祖曰世子与大樹幼時極相似此非獨我家之福天下万姓之幸也待至十五歲我子之如京師拜將軍德祖乃起為壽寵因之東宮遂安以川中島為湯沐邑世子至孝方觀猿舞地大震青山忠俊抱而將出世子問上求忠俊曰不知世子曰未知上在所將我何之予將忠俊元和三年謁光陵五年五月十四日午斬親信阪部某六年正月叙從三位拜權大納言置光驅將七年正月進正三位如川越八年四月如光陵八月如川越九年二月如川越三月十五日兼右近衛大將加右馬寮御監四月如光陵六月將朝

京師病瘡不果七月如伏見二十七日為征夷大將軍止二位内大臣淳和并宇兩院別當源氏長者賜牛車隨身兵仗八月如阪如堺

寬永元年正月登尾紀及十七諸侯修二條置三崎奉行二月海道傳奉伊弉神下令禁之四月居水戶郎十一月三日德祖徙西城上正位内城十二月朝鮮鄭豈來

二年二月以木曾氏由置大衛及砲隊率將川越七月如光陵八月納鷹司信房女為妃十二月定布帛長短勿得為姦有不如式奪之勿罪

三年二月狩川越鴻巢自四月至八月不雨如光陵  
七月如京師八月如淀十八日朝王進從一位左大  
臣宗室列侯進位有差九月六日天皇幸二條居五  
日增湯沐邑万石十六日如阪會大妃薨三日東歸  
四年正月二十一日地大震二月狩川越八月閏東  
水九月東叡山祖廟成晦橫山街火三日不止  
五年增段城二月制官吏騶從之負四月如光陵  
六年閏二月病瘧使人祈光陵三月發諸侯三藩執  
政之衆城江都四月如光陵邸宅前後置區廬相屬  
以防非常九月頒令十一條于天下除容居法如光

陵十月狩川越

七年上病親舜樂焉請德祖臨觀九月十二日皇女  
即位

八年二月狩于川越三月甘露降兩仄四月十六日  
天赤如赭至二十一日六月增親衛為十隊九月閏  
東洪水人馬多死二十三日忍佐野熊谷館林相驚  
以兵須臾止建文廟于忍岡

九年正月不朝至六日以德祖病也二十四日德祖  
歿代四月如光陵至今市以喪故使井伊直孝攝祭  
六月踏水西城外後為常七月置匝作六負制門內

從者之負置走水奉行八月增扈衛二隊九月朔置  
侍御史四員贈外祖故備前守洩井長政正二位中  
納言大段城成十一月養光長妹嫁右大將九條忠  
家十二月上憂列侯難制早起台之至則稱病不見  
會天寒給粥從者不賜列侯食昏未命燭緩帶出見  
謂曰曩者二祖与列侯南面稱孤所以至於斯雖天  
命有歸亦賴列侯協心翊戴也是故執分庭之禮而  
存友邦之義今予新立不熟事宜無改造然二祖之  
法粗足濟權宜不可為万世之式列侯慎聽我言自  
今以往雖列城之尊義為君臣禮義等差莫得踰越

所制不合且上聞無有所諱列侯若不是我不能復  
為政建議且立者我子列侯往朝列侯惶恐無敢仰  
見殿上宗無声久之仙臺侯進曰上至恭謙臣等愚  
不達此意令上憂念臣等之罪也大閤起自匹夫号  
令天下猶不与諸侯抗禮德川氏清和帝之後臨天  
下三世列侯執臣禮且政宗奉命誰敢不奉命且制  
礼義至法後世列侯咸曰如政宗言便上起入箕踞  
台列侯左右無人手執刀賜之去朔視又一人出一  
人入無不汗浹背初列侯至都執政迎諸呂川千住  
從是直詣執政宅奉起居而後就策又見執政請奉

覲禮而後使執政芳問引見之時止執政送迎十三日水戶主嫁松平光高二十九日都下火置主進三十人美濃大水

十年正月朔地大震函嶺崩地圻出泥民屋壞定置親衛八府二月割軍賦三月分遣大使察宗室列侯百官有司奉法不奉法忠不忠敬不敬子民之安不安子所疾苦軍興多少衣食豐歉四月十七日如文廟視擇菜七月大閱于品川置長崎令二員十月增職官諸衛秩十一月賜忠長死初上懷神祖之立己潛建廟城中今茲遷淺草原廟于楓山

十一年二月上不豫以執政之言觀猿舞大集高賈縱觀登內府錢賜之三月廢松平勝政所將大衛制執政知政事職掌六月如京師謁久野廟賜駿府民米万五千石至京拜大政大臣不受皆曰二祖皆拜奉詔是上曰不然有以外戚進者有以專權進者皆無取焉皇祖皇考以達尊登此位德爵齒之相應孰敢有譏今若奉詔使二祖盛德降齊于眇之躬雖貧罷余何德堪之不果拜奏猿舞縱觀登銀百二十五万兩賜京師民閏七月置上皇湯沐邑万石西城火浣澱如阪除治外大坂奈良畷屋稅八月賜列侯

璽書、徙內諸族家于江都、二十日、滯至江都、發金錢  
賜高賈、行所過諸族、五万石以下者、增封邑有差、九  
月如光陵、十月狩于刺、置京兆左右小尹、  
十二年四月、狩武藏野、造大船、長三十尋、上建三重  
樓、下可騎射、楫二百枚、用四百人、始行、六月、頒令十  
九條、制列族、每年四月半相代、歸國、七月二十六日  
天赤如火、十一月、定置理官、十二月朔、駿府灾、改閱  
津之制、令京東、崎、舟、六艘出塞、交易、宮衛置翊衛、前  
是理官會執政宅聽訟、

十三年正月、建府治、四月、光陵祖廟成、上往謁、天皇

遣公卿致祭、五月、陳猿舞、饗于祭公卿、自宗室列族  
至高賈、賜酒食、縱觀三日而止、十一月、朝鮮人來、以  
柳川調興伏罪也、遂如光陵、上東帶見之、放蠻種二  
百八十七人于阿媽港、以蠻為母者不在此限、大發  
諸族、浚池、增城、造魔城、鑄寬永通寶錢、賜寺社璽書  
南海有聲如雷、

十四年正月、以改作宮室、徙西城、除內諸族、去歲增  
城隍者、餘皆作治、於是上不豫、三藩及知政事參政  
進舞姬、奉一日歡、東南有赤氣、四月、移祖廟于二城、  
有雙鶴翔其上、五月、殺府中狼二百五十五頭、七月

豆南海中三原山燒至明年二月止八日星貫月九月本城成十月天草深江民奉耶獲教聚數千萬上以為島原族厚欵致之十一月遣故侍中板倉重昌御史石谷貞清往討以欲招降十二月以賊強以知政事松平信綱為將戶田氏鐵為監軍往擊

十五年正月朔大風是日重昌死賊十六日遣九州諸族居江都者及福山族伐原城二月二十八日屠原城堀田正盛為大老

十六年七月止往蠻交易諸蠻帶耶獲教者勿得近塞放紅毛種十一人于叻囉叱八月築西城石壁十

一日内城災止如西城執政召諸族救火上止之曰焚薪焚之猶不能傳太之燼遂成此禍天之所為也逆天傷人不若勿救既如東城九月夷仙主嫁尾

世子止大衛成駿府代以官衛鑄新錢十七年四月内城成上如光陵天皇使公卿致祭歸饗之如十三年時牛馬疫死六月松前海溢溺民夷五百人内浦嶽燒兩灰三日二月為晦仙波祖廟成

九月遊于毛利秀元呂川館

十八年正月假治橋東高家延燒數万家五月修皇宮八月三日世子生諸族獻刀為壽十二日建東宮

置宮僚、撰寬永系圖、治光陵、取赤柳之石、用役三万、  
天下饑饉、

十九年三月三日置司農、三負煮粥、食流人、麥熟、願  
歸者、在所給食、四月、如光陵、五月朔、制內諸侯、每歲  
六月相代、歸國、六月、令曰、項者、年穀不登、流民載路、  
我已、年有司、開廩振贍、若或、今秋不登、來年麥不熟、  
有司、其於何取給、列侯及食耒者、子司牧之官、務省  
徭役、使得專力于農、抑浮靡、積貯可衣食之物、以時  
勸課、勿怠懈、以備凶災、勿妄糜、五穀及種、菑害重傷  
生殖之源、九月朔、制、閱中諸侯、丰歲相代、以二月八

月為期、

二十年六月、朝鮮尹淳溟來賀、世子生、王書八字獻  
光陵、八月、置新衛、置王宮衛尉、九月二十七日、女帝  
禪位、十一月三日、天皇即位、酒井忠勝為大老、  
正保元年、韃靼改國号曰清、六月、琉球人來、十二月  
命上州郡山海道踏城圖、其城在海道者、以木刻形、  
令浮屠入殿庭、不循礼法、或疾聲相呼、法司切禁、  
二年正月、浮屠紡喧、不可禁、有司請罪、命勿問、二月  
臨廷聽斷獄、詣理官曰、理官當以民心為己心、庶幾  
下情可得、今理官以己心為民心、怒其鹵莽、若如己

心何至為非相告、三月十五日、三月未而無光、二日  
而止、  
三年九月、瀧山祖廟成、十月、明鄭正國居福州、為清  
所敗、使人來請兵、下長崎府問狀、會鄭正國已亡、  
四年四月十五日、有五月並出、五月十四日地震、六  
月浮艦、饗三藩及其世子、波示杜瓦示、舩二艘至長  
崎、云國王新立、貢方物、舟中多兵器、長崎尹于島原  
度府內族、釜十諸族兵、五万圍之、七月二十二日、大  
雨雹、九月長崎尹言、蠻實欲如清、失路至長崎、駿國  
字書無它故、上令盡收兵器、每舩留四頃、出之港、

慶安元年四月、如光陵、二十二日、地震、函嶺崩、大赦  
天下、令諸族謁光陵、六月、增新衛為六隊、  
二年正月、遣使者天下、問民所疾苦、伊豫安藝地大  
震、三月、令務復約、四月、世子如光陵、令諸族嗣子前  
後往謁、五月十三日、大雨雹起、石城于西城之西、六  
月二十日、地大震、令曰、地震方起、不知其極、宗室列  
族請起居者、從者或僵、傷支体、益重我患、自今以往  
止而後朝、七月、琉球人來、遂之光陵、  
三年正月二十八日、始視朝、以病也、關中民白衣詣  
勢別、過函關者、日千餘人、經年不止、日地震、多至四



五十震四月七日以列侯七人為防火使六月常州  
雨雹六月四日雨毛七月海道傳迎勢州神二十七  
日浚水入段丈二尺

四年正月上病四月東叡山祖廟成二十日厭代二  
十三日遷梓宮于東叡山遺命葬于光陵贈正一位  
大政大臣賜自天壽主以下六萬金後宮萬三千金  
有司萬石以下四萬金

史臣曰自推戴以來三十有餘歲正君臣之禮是其  
時哉然非雄畧蓋世廟廟不失舉兆庶歸德焉能折  
桀驁之志而就濟之班哉樂民之樂者民樂其樂

憂民之憂者民亦憂其憂積錢揚江之上使民爭趨  
之以自瘡其疾至損傷肌体而後止樂民之樂出于  
天性如斯不致大平者自古未曾有也

嚴宗紀第四 卷四

嚴宗諱家綱、大宗長子也。六歲時、于左右戲有老人愧而色難之者、強之大笑。世子曰、安以人所愧為己樂哉。特命出休、又聞流人往、餓死、面啓曰、流者所以省死、而使之餓死、非恤刑之道。雖遇赦、已無及。請下有司、驗問。大宗異之、給糧、與耕具、以著善言。正保二年、元服、為正二位權大納言。慶安二年、四月、如光陵、九月、出居西城。大宗賜傳忠秋刀、世子起為之謝。大宗大悅。大宗厭代會津族、正之受遺命、立世子輔政。七月、駿府男子由比正直、本鄉男子凡橋成純等

... 正保二年七月... 慶安二年... 駿府男子由比正直... 本鄉男子凡橋成純等

謀反伏誅八月十三日為征夷大將軍右近衛大將  
右馬寮御監淳和兼學而院別當源氏長者賜牛車  
隨身兵仗二十七日為正二位內大臣十一月有司  
百三十四人增食邑有差省參政保知政事二十日  
大風

承應元年三月佐別小比叡徒作亂縣吏討平賞賜  
有差九月故松平直良舍人戶次莊左謀反伏誅上  
幼叛亂相繼人心恟恟流言不止執政直孝忠勝知  
政事信綱忠秋京兆尹重宗同心協輔天下因以安  
兵省用度崇儉約四民豐贍道不拾遺

二年置給事中五月二十一日見三藩便坐詔秘無  
聞六月二十二日王城災七月十一日轉右大臣八  
月天下洪水

三年四月愛宕下有一男子佩刀斬十人傷十一人  
吏捕殺之九月二十四日光明帝崩琉球人來鑿渠  
地中在所隨便為井

明曆元年十月朝鮮王誤使其臣趙珩來聘遂如光  
陵王書八字獻諸宗廟十一月皇太子即位

二年正月二十三日赤氣亘天三月上病瘧八月二  
十二日大風十二月林春勝講經殿中酒井忠勝致

仕置場淺草鑄錢

三年正月十八日本郷本明寺失火自湯嶋東至靈  
岩南至鏡炮洲十九日小石川糺町並火起自三藩  
郎火入内城東南至海上如西城都中存者十之一  
已死者七万許二十日謁楓山廟二十一日大雨雪  
多凍死作粥振救令曰屋宇衣服新設制度諸罹災  
者築室可蔽風雨以供後令二月遷腰越行殿于東  
城收葬死人建寺其上遣列侯六人就國止前請詣  
都者俟後令命省貢獻罹災者万石以上至九万五  
千石及万石以下無職事假貸有職事賜金賜都下

氏十六万金井伊直孝卒十一月置場駿府鑄錢

萬治元年正月十二日都下火十八日重暈二十

一日又火置防火司八府填海廣地置外城門衛十

二月晦勢別渡會火

二年六月常列雨雹九月内城成

三年正月城東數火五月兩國橋成天下洪水六月

雷擊阪火藥庫延燒千餘家堞壞殺百餘人

寬文元年正月十五日皇宮災頒令天下十月二十

八日都下火大有年

二年二月井伊直澄為執政五月朔畿内丹江勢若

地震多死傷、十月、大隅地震、增防火司二府禁殉死、市中開小道、

三年二月、以松平忠次為執政、四月如光陵、二十七日帝即位、五月禁殉死、十月、尾民二百人奉耶獲教、被誅、

四年、松平忠次卒、十月、客星見、

五年正月二日、雷燒大段、天主七月、除藩國重臣納質之法、十二月二十七日、越後大地震、頒寺社除田租、蠲書、定縮布、木綿短長、廣狹之式、

六年四月、流不爰不施僧、五月二十六日、流星、酒井

忠清為大老、

七年二月、大使四出、

八年正月二十五日、西方有白氣、如旌、長五六丈、二月三日、火發本郷、渡河至本所、四日、自四谷燒紀郷、至淺布、六日、自若狹、炭牛込郷、南入代官町、繞廻町、連延至高繩、又自傳通院南至平川、東至日本橋而止、從是白氣不見、三月、上憂都下若火、使大久保忠朝視東叡山、還言曰、花下張帷、絲管填谷、上大悅、六月旱、大集列侯宗室、申殉死之令、琉球人來、九年、畿内飢、給粥百日、七月十一日、天狗星東流、蝦

夷亂遣親衛松前泰廣助松前茂討之殺酋長雀宜  
胤保糾正之致仕

十年八月二十三日潮浸大坂城

十一年七月琉球人來遂如光陵

十二年無事

延寶元年五月九日皇宮災

二年四月畿內洪水六月十四日雨雹關東洪水久

馬多溺年穀不登

三年春給粥飢人以清法造船于長崎閏四月令長

崎人于江都匠等三十餘人出下田求無人嶋至六

月而歸十一月二十五日皇城災

四年春井伊直澄卒女帝崩夏洪水八月廿日上妃

薨十二月二十六日京師火

五年無事

六年六月十五日水尾后崩上始病諾人曰我不及

四十然未嘗居內雖左右不知其病

七年海道傳送伊勢神

八年五月上病彌留群臣議立上弟館林茂為世子

八日上厭代上寡言恤下厚德醇行納諫節欲應事

如流知人于未用人有過得其情則解莫知其出入

直遺命訖。謂左右曰：我不勝病，豈有失儀失言乎？知政事正俊有遺命，閱手書，多以事自戒，或當朝之事，某當某不當，謂某非其過，我之過也之類也。一言一動無妄如此。於是四海如喪考妣。二十二日，愛宕山下民言，兵妻生三子。二十六日，葬獻陵，贈正一位大政大臣。八月十九日，上皇崩。閏月朔，大風雨。十一月，白氣亘天。

史臣曰：慶安明曆之際，天下人安，姦軌不能惑閭閻。大災不能損富厚，高拱深宮之中，而委成群臣，雖善政所存，如災後問戲山秘匱，自書其過，恤民省己，專

亦勤矣。

憲宗紀第五

卷五

憲宗諱綱吉、太宗第三子、迨疾病、食之邑十五万石、  
九歲元服、為從四位下、右近衛權中將、兼右馬頭、無  
幾進正三位、寬文元年封館林二十万石、遷參議、  
嚴宗病大漸、於卧内立為世子、明日入居東城、為正  
二位、權大納言、如館林邸、又明日、嚴宗厭代、即位東  
城、至發柩、將從行、執政曰、非例、使人攝行、又曰、非例、  
上曰、父子不嫌、于薄余、雖屬親、豈已經為臣、一切從  
故事、意所不安也、使大老忠清攝行、居喪不窺園庭、  
正襟危坐、不漫言、六月大赦天下、七月十日、遷内城、



免知政事直夜侍御史御史皆召賜對初令造厠東  
城為之減食待其成此非臣子亘觀也有司請為內  
寢上曰大行所御新之可矣其餘一無改黑絹為被  
褥令從儉約有司請冠以家宗上曰皇祖之諱受諸  
豈臣氏其卒猶不忍更之况大行所賜乎非所宜議  
八月二十三日為征夷大將軍正二位內大臣右近  
衛大將右馬寮御監淳和并學兩院別當源氏長者  
賜牛車隨身兵仗  
天和元年琉球人來賜都下米三石令曰待韓使以  
厚不為示奢擾民其如光陵非誠發于中停之省彼

此之勞其復書彼此並題不稱禮意且停有司言自  
賤皆故事恐有窺我上曰當禮而行不計利害且如  
前令五月酒井忠清卒

二年遣大使四方二月畿內饑作粥給之京師疫癘  
四月增職官封邑令曰前告郡國明年如光陵比年  
穀不登人民流離不忍遠出重擾百姓假停來年之  
行八月龍崎民獻石似玉有孔吹之有聲上命碎之  
示民不貴異物彗星見上曰我居位三年有怠懈乎  
有所私乎天若警我大老正俊曰見災自責雖古聖  
王不之過彗其無害後數日消年稔有一莖數穗者

九月朝鮮尹趾完來於衆舩五百五十七人內減六十人禁刻天下第一私号十二月二十八日都下火大光正俊獻天馬皮上却之曰天馬出則年稔我有繇襖防寒不忍寢處此物若為異物乎無用之物徒長奢侈之源我不忍見正俊再拜謝曰非愚臣所及也君之及此天下之幸也  
三年正月朔雨大水帝欲授世子官辭曰先臣以嫡體膺嘉命臣支庶承業臣之子敢比先臣二月上曰儉約治之本也不以身先則下無化服御務供鹿苦麩衣不弊不易農高工賈穰舞戶雖隸于官不佩大

刀奴婢不得服繭於是世子生母剪金縷去之內外劬之命長崎尹除衣服器用可利于民草木土石可愈病而諸奇巧之物屬瓦猩紅不可防寒錦繡羅綺勸導奢侈異奇瓌材珍禽奇獸徒備觀美者不得納內地以亂風俗上曰近有司多殺立威索賈便決恐有冤知政事某對曰刑之不重不足懲姦上曰失有罪殺不辜皆法之不中也凡小大之獄務中其法而後施之四月五日光陵地震使大久保忠朝往視大旱帝欲進位右府固辭乃止閏五月世子薨初上召醫吉田朔庵稱病不至上曰醫不急病安用醫為召

之不來况於請之乎不可以為風俗放之于遠今大路道三諸使治世上曰以子之故赦之天下其謂何牧野成負曰万一不諱其無悔乎不從世子薨而後赦十月令今幸有年所在蓄穀以備凶荒十二月五日都下火

貞享元年上曰近風俗凋弊姦偽滋生理官務淳朴率下勿得較是非爭利害損教化勉忠副予心廳吏卒貪污成俗苦工高賈官長勉戒厲莫使抵罪今黜卒八十人以正法紀諸衛諸隊為之長者日夜教戒使成謹厚其不從教者以名言之政府匿而不舉其長者罪三月頒服忌令令諸功臣之後錄所受賜璽書刀劍等物及其功狀上焉二月十六日豆南海中三原山火燒七年連程救賑八月二十八日參政正休刺殺大老正俊于朝知政事共擊殺正休十月頒新曆于天下

二年二月二十一日流星上皇崩上女嫁紀世子

三年京師火增長崎尹一負

四年四月二十八日帝即位九月九日大風

元祿元年十一月二十一日如忍岡祭先師

二年二月二十一日如忍岡祭先師三月諸侯以選

給事于中。

三年八月，琵琶湖涸，十四日，京師火，上曰：忍岡大廟尾敬侯所建，与浮屠並居，有司其相地遷焉。

四年二月，廟成，往祀，置祠邑。四月，禁悲田教。八月，京師置防火使。十二月，改神田臺為昌平段，芋洗橋為昌平橋。

五年正月朔，日蝕。十二月朔，皇宮災，流高野行人六百。

六年二月二十二日，如文廟視祭儀，上親講易。五年而畢，修皇陵十九。

七年正月八日，都下災，是歲遊執政宅，皆增万石。八年五月，遊松平吉保宅，從是，大抵月往二三，改鑄黃金，增防火司五府。

九年三月，省清水三崎，走水奉行。六月十九日，大地震，八月，贈滿仲正一位，津輕饑。

十年七月，俸五百石以上，停俸于邑，東叡山建中堂，置金銀箔座，行二銖金，及新錢，廢慶長金，算高車行酒權。

十一年，造永代橋。十一月，都下火，是歲修皇陵，勿芻芟其側。

十二月四日、雨雹、都下大閏九月、諸司諸衛諸隊、貸金有差、病滿百日不愈、冬桃李花。

十三年、增長崎尹為四負、日赤無光、有暈星晝見。

十四年、作粥給饑者、六月、京師大雷、諸州洪水。

十五年、閏八月、省荒井奉行、屬吉田。

十六年、十一月二十二日、地震、壞城門二十五、炭算。

二十二、甲邨失火、延燒數里、相房總加鏡、同日地震。

海溢、小田原溺三千餘人、二十九日、火發小石川、燔。

孔廟神田祠、至本所、深川多死者。

寶永元年、四月、秋田地震、七月朔、大水、八月四日、閏。

東洪水、人馬溺死、十月、省所增防火司、十二月、立從子甲侯為世子。

二年、二月五日、進右大臣、增皇家邑萬石、閏四月、涼。

師民如斃、別五六萬、六月、參遠水、二十二日、桂昌夫。

人薨、十一月四日、吳服橋東火。

三年、正月十四日、火發神田、至東、閏、六月、改鑄銀。

九月十五日、地震。

四年、六月十九日、東海道大風、十月四日、閏西地震。

十一月二十二日、富士山焚、雨沙土、八日、駿遠地震。

賦天下金、賑伊相武之民、停銀鈔。

五年三月八日、皇宮火、五月鑄大錢、六月畿內大風、  
十二月晦、大阪火、  
六年正月十日、厭代、贈正一位、太政大臣、華東、叡山、  
停諸侯給事于中、二月九日、憲妃薨、六月二十一日、  
帝即位、十二月十七日、先帝崩、  
史臣曰、憲宗臨朝二十有九年、其治如出二代、何也、  
自元祿以後、朝廷多故、然至事桂夫人、以孝興學、講  
經祠孔子于廟、親臨觀諸生行礼、美哉、輔以良弼、即  
明主也、

文宗章宗紀第六

卷六

文宗諱家宣、初名綱、豐、贈相國、綱重、天樹主居時  
所生也、天樹主盲之于新見、正信家、長莊敬、好儒術、  
危坐聽講、雖伏日、無惰容、書字正不苟、十五歲、嚴宗  
召如元服、為從三位、左近衛權中將、兼左近將監、父  
卒、襲封甲、憲宗初遷參議、正三位、增封十萬石、久之  
憲宗無子、上有承統之望、益謙遜、時屢病危、不正服、  
不見御醫、左右以澁江松軒治、無効、不使時進、上曰、  
彼良醫也、豈為一無効少之哉、其重厚不驕如此、元  
祿三年、為權中納言、室永元年、立為世子、贈其父權

中納言明年為從二位大納言四年二月謁文廟六年正月憲宗厭代上嗣位下令廢大錢除酒權箔錢五月朔為正二位內大臣征夷大將軍右近衛大將右馬寮御監淳和味字兩院別當源氏長者賜牛車隨身兵仗復使宮衛戍駿府十一月免追放在室永五年以前者十二月令万石以上並城者襲封後五年或六年叙爵自今以往紹封即叙爵各諸侯除駿相立沙石

七年二月親釋奠先師五月行乾金停四室銀分遣使者四方九月建祖廟于洛東吉田山贈父甲族征

夷大將軍正一位大政大臣建芝口門十月省京師防火使十一月琉球人來

正德元年叙四足門九月朝鮮趙泰億來張樂賜宴二年上曰後三年距神祖厭代百年往致禮焉置佐渡尹二員十月十四日上厭代贈正一位大政大臣尋于綠陵遺命曰余不肖辱承大祖之業恭託兆民之上日夜競欲續先緒何虞在位日淺羅于斯疾夫自古危國亂家者莫不因幼主孤立于上疆臣爭權于下雖胡越之人同舟而濟則併力冒難免于万死之中昇平百年家安其業人保其壽者孰不以大

祖之德耶尚衆庶何思其德尚百司孰察其弊以輔  
孺子其必以往日幼主危困為戒百司衆庶苟違余  
此心則非止我家之不幸天下万世必受其禍  
章宗諱家繼生四歲立、在位知政事一人未嘗不在  
直十二月二十三日為正二位權大納言  
三年三月二十六日元服四月二日為征夷大將軍  
正二位內大臣右近衛大將右馬寮御監淳和等字  
兩院別當源氏長者賜牛車隨身兵仗十二月二十  
二日都下火  
四年流球人來十二月復慶長金銀

五年有神降于藪村

享保元年四月晦上厭代贈正一位太政大臣立紀  
侯為嗣葬于綠陵

史臣曰文宗之立當帑藏空虛之後孳創制禮義  
欲文大平亨國之日淺而得失之跡未彰章宗幼冲  
盲于阿保之手政教不墮綱紀不紊者抑亦宰輔協  
力之所致哉



德宗紀第七

卷七

德宗諱吉宗初名賴方紀侯光貞三子封為丹生侯  
追嗣宗為權中納言至章宗病令徙東城輔政於是  
章宗遂不起以上屬尊子多遺命承統召見內諸侯  
六月遣就國如常七月十三日為正二位權大納言  
十八日為征夷大將軍正二位內大臣右近衛大將  
右馬寮御監淳和將學兩院別當源氏長者賜牛車  
隨身兵仗禁列侯獻遺留物毀四足門

二年正月都下頻火十二月二十七日自牛込延燒  
至芝口

三年七月琉球人來十一月行新金銀

四年十月朝鮮洪置中來待之如天和時置慶子官  
五年二月制墨曆法輕于割刑一等自日本橋至上  
野延燒行國役法

六年三月三日都下火六月置匱于治廳門外法令  
之便不便官吏之職不職理官不時受理事閱君義  
皆許上書言之其言事自為與挾私許人之罪予未  
諸廳若詰而不告成焚之以塞告許之源九月召內  
諸侯謂曰近風俗大頽列侯或逐尊舊舉微賤以自  
便事及雇市人供上之役甚無謂也自今以往禁之

無為定防火衛門騎徒之數

七年廢寶永金七月令曰食祿之家有加無損自余  
兼統淺草之粟不足給天下之賦不足贍思所以救  
濟無方也者余判度支忠之差吏四方搜逋田闢草  
萊然不數年不能成績其使侯國歲輸秋糧百分之  
一于司農以績成為限諸侯皆留都半年關外一年  
半關內一年而來朝以省費用三月九月為期其不  
往國者納其中三之一交替如故者納半任職者不  
納知政事請從令文余納三之二置防火巡見使十  
二月移下田令于浦賀

八年令郡茅市肆近城者皆為瓦屋萬石以下貸金  
造作自此延燒遂少二月免三藩納米冬九州地震  
廢元祿金

九年正月晦芝口門火三月二十一日大阪火置木  
所深川防火使

十年四月九日世子元服九月長崎地震十一月淨  
岩主嫁薩侯復用慶長金

十一年越前十月山崩水湧出人畜多死三月狩小  
金原

十二年春令江都男子小笠原式部入海求無人嶋

式部往勢州造舩載兵農具千五百五十人共往不還

十三年四月如光陵九月關東大水

十四年四月妖僧典一自稱上之子招集亡命下吏  
伏誅黨與二百餘人誅竄有差五月交趾獻馴象

十五年四月免侯國輸米往來一復舊制以來年為  
始六月京師火閭廩振贍建水川祠貸五百石以下  
金令得納金贖管杖

十六年四月世子納妃十五日自牛込至虎門延燒  
疫癘行

十七年秋九州四州中州蝗害禾稼八月六日上皇

崩

十八年疫疠行發諸侯浚隍令勿以妾為妻

十九年天下洪水紀伊主嫁伊達宗村上從容謂給事申良信曰我夙夜憂念百姓而思保宗廟延者百姓以我好獵予固非從禽非此無教習騎射無上下相親並將士得無以試進退國家以武鎮天下雍容都雅非所急也古人有言曰治不忘亂予老兵早出晚歸不避寒暑豈為耳目之娛哉天下雖治下民輒有替理常思得賢人知過失不知世子休予此意良信請言世子止曰偏告之人不止世子

二十年三月甲斐上野雲六月二十一日畿内洪水

十一月三日帝即位

元文元年三月仙臺地震六月改鑄金銀十二月但州生野礦徒二千餘人作亂守臣諭使解散朝未養父民劫吏請糧

二年正月代官某撤諸侯捕之盡獲四月十一日上皇崩江都一男子上書曰天下共苦新幣唯司農時以工官後藤亭其利日上教諸侯勿舉微賤今用細田時以松岡能連神谷久敬亂祖宗之制与前令不相應天治天下与治紀不同紀不治則可改治天下

一壞則不可復為。今有司為官厚集，以困諸侯。困則不能來朝，于時不伐，政刑不立，伐之恐其弊竟不止。此前日，後藤言改幣土屋數，直叱之。上何不深念，臣雖伏草野，私竊憂之。為天下冒死以聞。五月二十三日，適長孫生。  
三年，無事。

四年，鑄鐵錢。

五年秋，畿內大水。

寬保元年八月七日，進右大臣，隨身兵仗如故。世子兼右近衛大將。十二日，適長孫元服，為從二位，權大

納言。

二年正月，彗星見于河鼓南。四月，修令條成。八月朔，信別及關東大水，人畜多死。

三年，登諸侯治決河。十一月，彗星見于東壁。五月，延享元年，無事。

二年三月十八日，大有事于楓山祖廟。上有病。九月朔，解征夷大將軍授世子。二十五日，徙西城。寬延四年六月二十日，厭代莽東叡山，贈正一位。太政大臣史臣曰：德宗將大有為之主也。如制列侯朝期，雖有為而蒞，蓋其漸云。其竟不行，以人情不樂耶。抑浮靡

之俗復淳朴之政聖王之理而群臣不能体至意一  
切以簿書辨事以息耗弊能否不能無弊也



*[Faint, mostly illegible handwritten text in vertical columns]*



引馬文庫

